



გორის მუნიციპალიტეტის საკრებულოს

განკარგულება № 8

2025 წლის 13 იანვარი
ქალაქი გორი

ა(ა)იპ გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახურის (ს/ნ 418465315) 2024 წელს შესრულებული სამუშაოს ანგარიშის შეფასების შესახებ

გორის მუნიციპალიტეტის საკრებულოს კომპეტენციას წარმოადგენს მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის კონტროლი, მათი ანგარიშების მოსმენა და შეფასება. აღნიშნული ანგარიშის მოსმენა გაწერილია საკრებულოს სამუშაო გეგმაში. საკრებულოს სამუშაო გეგმის შესაბამისად საჭიროა მოსმენილ იქნას და ა(ა)იპ გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახურის (ს/ნ 418465315) 2024 წელს შესრულებული სამუშაოს ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს ა(ა)იპ გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახურის (ს/ნ 418465315) 2024 წელს შესრულებული სამუშაოს ანგარიში თანდართული №1 დანართი 3 ფურცლად (თან ერთვის).

2. განკარგულება ძალაში შევიდეს ხელმოწერისთანავე.

3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

2024 წლის ანგარიში

2024 წელს სამსახურის კანცელარიაში ელექტრონულად შემოსულია 354 წერილი, ხელზე კანცელარიაში შემოსულია 63 განცხადება, გასული პასუხი - 342, გასული წერილი - 136. ა(ა)იპ-ს თანამშრომელთა განცხადებების და მოხსენებითი ბარათების რაოდენობა შეადგენს - 284, გამოიცა - 125 ბრძანება.

ორგანიზაციის მომსახურებაში არსებული სასმელი წყლის, წყალარინების, მელიორაციის ჭაბურღილებისა და სატუმბო სადგურების ძირითადი შემადგენელი ნაწილებია:

- წყალსადენის თვითღენითი სათავე ნაგებობები - 9 ერთეული;
- რკინა-ბეტონის და ლითონის წყალსამარაგო რეზერვუარები - 185 ერთეული;
- სასმელი წყლის სატუმბო სადგურები - 10 ერთეული;
- საქლორატორო სადგურები - 70 ერთეული;
- სასმელი წყლის მაგისტრალური და შიდა ქსელები საერთო სიგრძით - 730 კილომეტრამდე;
- ღია ტიპის ელექტრო ქვესადგურები - 21 ერთეული;
- სასმელი წყლის ჭაბურღილები - 145 ერთეული;
- წყალარინების გამწმენდი სატუმბო სადგური - 3 ერთეული;
- წყალარინების ქსელები - 13,20 კმ;
- სამელიორაციო სატუმბო სადგურები - 3 ერთეული;
- სამელიორაციო ჭაბურღილები - 5 ერთეული;

გორის მუნიციპალიტეტის სოფლებში დღეის მდგომარეობით 195 ჭაბურღილია. აქედან 145 ჭაბურღილს და სასმელი წყლის სისტემების ყველა შემადგენელ ნაწილს დღემდე ემსახურება ა(ა)იპ „გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახური“.

ა(ა)იპ „გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახური“ წლის განმავლობაში რეგულარულად ახდენდა სასმელი წყლის ლაბორატორიულ შემოწმებას, შესაბამისად ხორციელდება სასმელი წყლის სისტემების დეზინფექცია და წყლის გაუსნებოვნება. წლის განმავლობაში დაფიქსირდა წყლის დაბინძურების შემთხვევა სოფელ ტირძნისში (დემურაანთ უბანში). მოსახლეობას სასმელი წყალი მიეწოდება მდ. პატარა ლიახვის კალაპოტში არსებული ჰორიზონტალური დრენაჟის მეშვეობით, რომელიც ფუნქციონირებს გასული საუკუნის 60-იანი წლებიდან და იგი ვეღარ აკმაყოფილებს ტექნიკურ რეგლამენტს. მდგომარეობის გამოსწორების მიზნით მუნიციპალიტეტის დაფინანსებით ამჟამად მიმდინარეობს წყალსადენის სისტემის საპროექტო სახარჯთაღრიცხვო დოკუმენტაციის მომზადება, რომლის განხორციელების შემდეგ სრულად დაკმაყოფილდება სოფლების და ტირძნისის მოსახლეობა სასმელი წყლით.

წლის განმავლობაში ა(ა)იპ „გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახური“ შემუშავებული გეგმის მიხედვით ახორციელებდა დებულების მიხედვით დაკისრებულ მოვალეობებს. 2024 წლის განმავლობაში სამსახურმა მუნიციპალიტეტის სოფლებში მოახდინა 1087 გასვლა. შეიცვალა ამორტიზებული წყალსადენის ქსელი საერთო სიგრძით 3512 მეტრი.

ჭაბურღილებში შეიცვალა შემდგომი ექსპლუატაციისათვის გამოუყენებელი 23 ცალი სიღრმული ტუმბო და დაზიანებული 13 ცალი ელექტრო ძრავა. ამასთან ერთად შეკეთდა მათთან დაკავშირებული ელექტრო მეურნეობა, კაბელები სიგრძით 2072 მეტრი. მომსახურება გაეწია სამსახურის ბალანსზე რიცხულ დაზიანებულ სატრანსფორმატორო 3 ქვესადგურს. დაზიანების აღდგენა ხორციელდებოდა უმოკლეს ვადაში, ადგილობრივი თვითმმართველობის ხელმძღვანელთა მომართვების საფუძველზე.

თითოეულ სამუშაოზე შედგენილია მიღება-ჩაბარების აქტი, რომლებიც დამოწმებულია შესაბამისი სამსახურის სპეციალისტების და ადმინისტრაციულ ერთეულებში მუნიციპალიტეტის წარმომადგენლების ხელმოწერებით.

2024 წლის განმავლობაში ა(ა)იპ „გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახური“ სრულყოფილად უწევდა მომსახურებას მუნიციპალიტეტის ტერიტორიაზე არსებულ წყალმომარაგების სისტემებს ქალაქ გორის წყალსადენის გარდა. იღებდა ზომებს, რათა სამსახურის დაქვემდებარებაში არსებულ წყალმომარაგების სისტემებში ტექნიკური მიზეზით არ შექმნილიყო სასმელი წყლის დეფიციტი, ხოლო მათი წყობილებიდან გამოსვლის შემთხვევაში დროულად ხდებოდა მათი შესწავლა და სრულყოფილი აღდგენა.

2024 წლის განმავლობაში სამსახური მუშაობდა მუნიციპალიტეტის ტერიტორიაზე არსებული წყალმომარაგების, წყალარინებისა და სამელიორაციო ჭაბურღილებისა და სატუმბო სადგურების შესახებ არსებული ტექნიკური ინფორმაციის დამატებით აღწერასა და შესწავლაზე, რომელიც იკინძებოდა სამსახურში არსებულ ტექნიკურ მონაცემთა ჟურნალში.

2024 წლის განმავლობაში ა(ა)იპ „გორის მუნიციპალიტეტის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახურს“ გორის მუნიციპალიტეტის მერიიდან გადმოეცა რამოდენიმე სოფელში ახლად რეაბილიტირებული სასმელი წყალმომარაგების სისტემები მათი მოვლა-პატრონობისათვის. სამსახურის ძალებით, ადგილობრივი თვითმმართველობისა და მერიის ზედამხედველობის სამსახურის წარმომადგენლებთან ერთად ხდებოდა ამ ობიექტების შესწავლა დეფექტებისა და ხარვეზების გამოვლენის მიზნით. შემოწმების შედეგები დადგენილი წესით გადაეცემოდა გორის მუნიციპალიტეტის მერიას შემდგომი რეაგირებისათვის.

სამსახურის 2024 წლის ბიუჯეტში სუბსიდიით გამოყოფილმა თანხამ შეადგინა 1 221 800 ლარი, ხოლო არაფინანსური აქტივების თანხამ 4 200 ლარი, სულ 1 226 000 ლარი.

აღნიშნული თანხიდან სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების მოვლა-პატრონობისთვის გაიხარჯა 268 344 ლარი.

აქედან შრომის ანაზღაურება შტატით გათვალისწინებულ თანამშრომლებზე (33 თანამშრომელი) 472 901 ლარი.

ა(ა)იპ 2024 წელს გეგმავს სადღესასწაულო (საახალწლო) პრემიის გაცემას.

შტატგარეშე ხელშეკრულებით აყვანილ თანამშრომლებზე (77 თანამშრომელი) 339 241 ლარი.

ტრანსპორტისა და ტექნიკის მოვლა-პატრონობისთვის 141 206 ლარი. ორგანიზაციის ბალანსზე იმყოფება 3 ერთეული სპეც. ტექნიკა (ტრაქტორი 2 ერთეული, ამწე კალათა 1 ერთეული), საავარიო ჯგუფის მომსახურების 3 ა/მანქანა და მაღალი გამავლობის 2 ა/მანქანა - სულ 8 ერთეული.

არაფინანსური აქტივებიდან ათვისებულია 4 099 ლარი.

2024 წელს სამსახურის მიერ ათვისებულმა თანხამ შეადგინა 1225791 ლარი, მთლიანი თანხის 99.9 %.

2024 წლის დეკემბრის თვის ბოლოს განხორციელდება ა(ა)იპ „გორის მუნიციპალიტეტის მერიის სასმელი წყლის სისტემების, წყალარინების, მელიორაციის ჭაბურღილებისა და სატუმბო სადგურების სამსახური“-ს ბალანსზე რიცხული მასალების, ინვენტარის და არაფინანსური აქტივის ინვენტარიზაცია.

პატივისცემით,
დირექტორი:



ბონდო მარუაშვილი